

重錄總校官侍郎且高拱

學士臣羅景淳

分校官編修臣王承烈

書寫儒士臣宣誠

國朝監生臣款河

臣孫世良

永樂大典卷之三千四

九真

人

唐孟郊集魏傳田與尚書魏懷之命不立非夫人詩君子曉古禮如鏡
魚吞鈎。昨聞教姬言。擊心東北流。北流田尚書與禮相綢繆。善詞聞天下。
一日一再周。宋蘇頌集同孔常文作張夫人詩。女子勿言弱。男兒何
必強。君看張夫人。身舉十五喪。頭上脫笄珥。篋中斥襦裳。蔡墳連丘山。松
栢鬱蒼蒼。親戚不為助。涕泣感道傍。昔有王氏老。身為尚書郎。親死棄不
葬。誓福日翔翔。白骨委廬陵。宦遊在岐陽。一旦有大夫。軒軒類佯狂。相面
識心腹。開口言災祥。嗟汝平生事。不了今誰當。汝身腹綵綿。汝口半稻粱。
衣食未嘗廢。此事乃可忘。一言中肝心。拔身拜其牀。傍人漫不知。相視空
茫茫。終言汝不悛。物理又必償。兒女病手足。相隨就淪亡。鄙夫本愚悍。過
耳風吹牆。明年及前期。長子憂辭癯。一鹿守巴峽。雙松還故鄉。弱息雖僅
存。踴躍亦非良。誰言天地寬。綱目固自張。古事遠不信。近事世所詳。企張
非求福。禍敗當懲王。嘉祐末年。李士寧言王君事於右扶風。其報甚遲。張

夫人南郡人。孔惟官常以作詩言其賢。邀余同作。并言平生事。或足以警世云。元王逢梧溪集朱夫人詩有升夫人諱元璚。江陰知事朱道存之妻。都漕萬戶費雄之女也。至正十六年江陰亂。夫人依其父居松江之上海。未幾上海縣陷。苗軍僣縣大掠。夫人驚遽出卧內。持苗手刃以入。將犯之。夫人叱曰。吾貴家女。貴家婦。夫君見勤王。汝本官兵。奚為犯我。投釵珥于地。苗攫之去。既苗杳至。索貨無有。遂驅迫就道。夫人揜不免。乃攀堂檻厲聲曰。吾義不辱。苗狗惡辱我耶。比遇害。爪入楹木。血沁于指。哀哉。始先君庫使解官歸里。逢適主于其家。每與盛宴。輒蹶然若不甘者。知事言其故於夫人。他日復宴。夫人親為別具饌。命子文侍。文禮昇示達曰。此奉尊翁。自是以為常。明年逢過其地。嗟夫人之生也。柔惠足以德於人。殘也。貞烈足以表於世。謹為辭以弔之。辭曰。青簪花白。浦水黃雲。日黯慘風悲涼。停輻西向。三酌觴。旂旌葆幢。來混茫。若有人兮。漂如霜。星流電馳。惟可望。微言夙習。大洞章。功成拔宅居帝鄉。鵲河蟾窟。肆翱翔。咲援北斗。挹酒漿。帝曰。欽哉。無太康。下為叔世扶綱常。進規退矩。禮自防。釵荆裙布。今並光。尊姑養之。植德堂。下堂名。堂階珠樹聯。璫明璫。蒼珮森琳琅。撻鐘考鼓。樂未央。楚氛遮天耀。天狼飄然歸寧。父母傍。正生凍室。憂葵傷官。兵寇

我加劍戟。昊天倚杆。海變桑身。有澁血。無回腸。烈婦殉節。死固當。名與黃
浦流俱長。稽首再拜。淚兩滂。縣馬直上。餘驚風。宋樓攻魏。先生集題。陳簡
齋寄夫人書。行書滿紙。遺文君。可見閨門。敬若賓應。與少文能協趣。定
因元亮。遂忘貧。東蒙齋集。壽趙處仁母夫人詩。小序。某將江東使指。詣學
講孝經。作勸孝之詩。訓里巷。屬部民有高年者。旌異之。惟恐後。番易法曹
趙處仁。入憲幕。清介敏於事。堂有九表慈母。而未加禮敬。寧非大闕。某敢
述小詩。介薄儀。以爲夫人壽。有子見知真西山。有孫又把桂枝。攀堂前
萱草。年并綠。慶事天。公定不慳。壽張亨之母夫人。小序。張亨之。雙親皆
康寧。祖母夫人今年慶九表。閨門怡愉。士林羨慕。亨之壯年。振儒科。以東
流薄入幕。敏而好脩。助荒政。有勞名聞于朝矣。慈顏應少慰乎。某敢歌小
詩。將薄禮。亨之其持以壽夫人。爲問蟠桃熟。幾處見兒髮。白著衣斑。孫
枝又作紅梁客。更願雲仍捧壽山。趙汝騰紫霞洲遺徐端友壽母夫人。
望東雲芳懷玉。產二英。芳駕驚持。祭名芳。壽親頌。大椿芳對。菊殄初。笑芳。
慕屈子之非非。飲寒潭芳。陋胡廣之碌碌。我敬愛之。勉以倚綠。壽芳芳。無
窮。介母芳多福。又寄徐端友立太壽其母夫人。笑笑二徐。名德之難。
早從爛柯。知所步趨。南陵子騰。夙夜盡勩。九日黃花。采來盈握。諸壽堂。

大年方壺。眉髮鵲重錦。軒魚。母詔子前。問學勉諸。參匪直養。心傳泗洙。
誠身悅親。授彼著書。子曰懋哉。益厲厥初。榮多遺母。文燭不如。戲舞搏前。
母焉咲娛。我寄四言。俾陳座隅。張元幹歸來集。乙卯秋奉送王周士龍閣。
自貶所歸。兩州太夫人侍下。詒離三秋風。念子萬里客。我獨憂患餘。我
為死生隔。相逢忽眼明。照影供頭白。蘭若清夜長。連床話時昔。如何功名
心。一旦乃水釋。實藥真祥法。穿雲恐遽隨。不然疏笋穉。寧無瘴烟色。良由
火蒙威。內景充八宅。下視陋九州。槐安等稱國。絕憐蠻觸爭。亦復弄兵革。
亂未更多事。老去覺世窄。歸歟桃花源。班衣作兒劇。此樂人所稀。今我那
能得。他時南山南。寄書北山北。宋文天祥文山集憶太夫人 三生命孤
苦。萬里路酸辛。屢險不一險。無身復有身。不忘聖天子。贊頌太夫人。定省
今何廢。新來夢寐頻。元王逢梧溪集喜朱子才知事。迎太夫人至二首
白馬青袍幕下賓。樓船迎養太夫人。關山迢遞孤雲暮。雨露涵濡寸草春。
屏障久虛金孔雀。兒孫俱長玉麒麟。知君順色非難事。心待平反答至親。
盡舫青簾駐日斜。綠衣白髮照江沙。風塵忽見老萊子。庭院正開萱草
花。鸞錦再頒新詔命。魚軒穩稱小香車。珍饈調罷親弦頌。盛事由來出故
家。張文穆公集題僕散夫人詩卷 早從夫子事戎宮。三十年來已蜀閬。

閭範有人為內則。蒙祐無計可生還。植萱致養難留景。更石為塋
不動山。旌表在門傳在子。他時彤史尚班班。王惲秋澗集題懷孟
路宋總管太夫人九哀詩卷 七十那君九十親。人間此事少同
倫。相舟高節微彤管。驚語清光照畫輪。步履不緣扶杖健。精神猶
比結襦新。河陽莫說潘與樂。沁水花時別有春。身窶家溫親老
健。福全無似宋門榮。漢宮傳訓班儀在。萊子承顏彩袖輕。孤節勁
於湘水竹。九齡春動野王城。年年壽席聞佳話。南極星邊婺女明。
題張子惠母夫人手卷 夫人內治日嚴貞。定省歸時有訓懲。
孝感庭闈深色養。德融民社見春凝。凱風吹棘心何切。宿草含輝
樂不勝。七子有林俱茂異。慶門從此福川增。鄧中齋詞廣齋謂柳
山和王夫人滿江紅韻。惜未見之。為賦一闕。王母仙桃。親曾醉
九重春色。誰信道。鹿麝花去。浪翻驚闕。眉鎖嬌蛾山宛轉。髻挽墮
馬雲歌側。恨風沙。吹遠漢宮衣。餘香歇。霓裳散。度花滅。斜陽燕
應難說。想春深。銅雀臺殘啼血。空有琵琶傳出塞。更無環珮鳴歸
月。又爭知。有客夜悲歌。壺敲缺。又天祥詞和王夫人滿江紅韻。以
庶幾后山妾薄命之意。燕子樓中。又怪過幾番秋色。相思處青

年如夢。乘鸞仙闕。就玉暗銷衣帶緩。淚珠斜透花鈿側。最無端、蕉影上窓紗。青燈歌。曲池合。高臺滅。人閒事。何堪說。向南陽、阡上滿襟清血。世態便如翻覆雨。妾身元是分明月。笑樂昌、一段好風流。菱花缺。王夫人詞。太淡芙蓉。全不是舊時顏色。嘗記得、恩承雨露。玉臂金闕。名播蘭畹。妃后裏。章潮蓮臉。君王側。忽一朝、繫鼓揭天來。繁華歇。龍虎散。風雲滅。今古恨憑誰說。願山河百二。淚流襟血。驛館夜驚塵土夢。宮車曉轉關山月。若姮娥、肯相容。從圓缺。王夫人至燕題驛中云。中原傳誦。惜未句欠商量。代王夫人作。試問琵琶。胡沙外。怎生風色。寂苦是姚黃一朵。移根仙闕。王母歡闌瓊宴罷。仙人淚滿金盤側。聽行宮半夜雨淋鈴。聲聲歇。彩雲散。香塵滅。銅駝恨。那堪說。想男兒慷慨。嚼穿齧血。回首昭陽離落日。傷心銅雀迎新月。算妾身不願似天家。金甌缺。完陵群英集。師晦文。宮人愁。曾隨玉輦事遊吹。一別君王二十年。惟有手中明月扇。向人還似舊時圓。唐雍裕之詩。宮人斜。幾多紅粉委黃泥。野鳥如歌復似啼。應有春魂化為燕。年年飛入未央樞。國朝楊基眉庵集題宮人

國。兩樹紅蕉映綠池。晚涼携伴試羅衣。金鈴小犬迎人吠。應懷
秋未出院稀。宋李俊民鷓鴣集悲故宮人 雲慘烟愁苑路斜。

廷宮鶯嚶出上陽花。雅同未金滴盡無心語。張祐生死深恩不到

家。曹華汪元量湖山類藁亡宋宮人分嫁北區 皎皎千嬋娟。盛

盛翠紅圓。華來路迢迢。梳鬟理征衣。後來鶯鶯花。綴之連理枝。憂愁

忽已失。歡樂當自茲。君王不重色。安肯留金閨。再令出宮掖。相看

淚交垂。分配老斷輪。強顏相追隨。舊恩棄如土。新寵豈所宜。誰謂

事當爾。苦樂心自知。含情拂金徽。繁聲亂朱絃。一彈卅鳳離。再彈

黃鵠飛。已恨聽者少。更傷知音稀。吞聲不忍哭。寄曲宣餘悲。可憐

薄命身。萬里容華衰。江南天一涯。流落將安歸。向來承恩地。月落

鳥夜啼。元郝經臨川集宮人斜。椒壁攢頭聽野蒿。妖狐萬竅味空

壕。美人一夜為黃土。鄰國夫人甲第高。王惲秋澗集周文矩畫金

步搖宮人圖 嬌玉珠華兩翅排。髻高雙鳳拂雲來。玉笙合就新

翻曲。恰值碧桃花正開。陳深源片雲山人小葉宮人 進入宮時

貌似花。長門猶恨寄琵琶。種年不見君王面。却向沙場從翠華。元

安熙詩題錢選宮人圖 露冷月華白。悠悠方寸心。夫君渺何許。

帳望碧雲深。那律騎樂府。憶秦娥。贈前朝宮人琵琶。色蘭蘭。恨幾
積。佳人薄命尤堪惜。尤堪惜。事如春夢。了無遺跡。人生適意無南
北。相逢何必曾相識。曾相識。恍疑猶覩。內家圖籍。周庾開府集。奉
和示內人。然香麝金屋。吹管鳳凰臺。春朝迎雨去。秋夜隔河來。
聽歌雲。即斷。聞琴鶴。到回。春窻刺鳳下。寒壁畫花開。定是流霞氣
持添承露盃。唐張祐詩。贈內人。禁門宮樹月痕過。嬾眼唯看宿
燕窠。斜接玉釵燈影畔。剔開紅焰救飛蛾。劉賓客集。代靜安佳人
怨二首。并引。靖安丞相武公居里名也。元和十一年六月。公將朝。
夜漏未盡三刻。騎出里門。過盜薨于墻下。初公為郎。余為御史。跡
是有舊。故今守于遠服。賊不可以誅。又不得為歌詩聲于楚挽。故
代作佳人怨。以禪于樂府云。寶馬鳴珂踏曉塵。魚文匕首犯車
茵。過來行哭里門外。昨夜華堂歌舞人。秉燭朝天遂不迴。路人
彈指望高臺。牆東便是傷心地。昨夜秋螢飛去來。元劉秉忠詩。佳
人。錦心繡口性蘭閨。學海波瀾挹不乾。奇語八篇傳欲滿。陽春
一曲和皆難。佩蘭葉葉生風韻。懷玉溫溫辟雪寒。別後佳人渺何
許。倚樓空詠碧雲端。宋王炎雙溪集。清江勸駕送舉人二首。戴山有

良玉。潛淵有明珠。寶氣露光彩。見者詎肯遺。賢王抱良寶。又與珠玉殊。方
其未遇時。杪然一布韋。時來取通顯。乘軒而執珪。鶴書出闕闥。嗣聖清明
初。彈冠今豪傑。駿駑上天衢。願親與事君。忠孝當無虧。黃堂暫虛位。勦
駕屬守丞。金石方道審。不敢歌鹿鳴。吉蠲置臚豆。少洽賓主情。西風吹挂
枝。馬首將東行。春官奏高第。天子聞廷英。親策降清問。健論攬丹誠。解褐
躋驥仕。何止為身榮。二劉與三孔。至今流芳馨。願言踵前脩。勉矣垂令名。
呂南公集古人 古人已往知無奈。猶被後人興靈歎。前亦人焉後亦人。
患自口強心不逮。楊雄比孟必有辨。馬卿慕蘭良足恠。未克忘氣徒好在。
醇醪豈不因糟載。飛景迂集古人愁已極。今我不用愁。去日已忽忽。來日
諒悠悠。便能如此志。終恐慚白頭。經月不讀書。聞自得自求。不如懸車好。
便優外言不。方秋崖集古人行 古人二十四。已自取侯印。加我三十一。
擁褐徠餘堡。古人三十六。已自嘆頭顱。加我十九年。雪領埋霜鬚。春風秋
月五十五。青山白雲自今古。與其浮沉於不聊。不啻之間。孰愈自適於老
圃。老農之伍。休休休。仰面看人吾所羞。莫莫莫。天下事堪幾回錯。既不能
致君乎唐虞。又不能收身乎樵漁。捉携手版耶復爾。安用局促轉下駒。昌
黎老韓大小光。乾三書看渠破。號天咄地為一官。宰相須還賈耽做。不

如荷陵塢中之祀著。卧聽松風三峽濤。開門夜半剗長嘯。已矣古人山月高。中興江湖集救陶。孫思古人思古人。思古人。古人嗷嗷若日月。我欲割棺斷出古人心。惟見蒼苔漫白骨。請陳古人心。君勿駭客言。古人惟一真。可使風俗皆還淳。殺雞不及林宗炊黍不候龐公。雪中安道興適盡。坐上公祭樽已空。呼酒徑勸君。欲眠即遣客。嵇康丘源不為起。戴崇彭宣本相得。徐庶失老母。審如元德不能奪之。臣嚴陵薄宦情。狎如文叔不能止之客。包胥伍員不失其為友。羊祜陸抗。不害其為敵。我有蒸壺安事隱。我但食韭。安用多種割肉。無知方朔真。等金豈即劉叉勇。古人心事有如此。何至顏色相媚奉。道喪儕仁義。世亂生姦雄。君知臧否不掛口。正慮亡首。堪其賈我生。恐無用。我死知無聞。作書預與兒筆談。葬時定覓要離墳。唐白居易詩。新豐老人不知何處翁。相逢道路中。眼昏耳復聾。鶴髮大龍鍾。忽聞雞犬聲。便認作新豐。嗔人問姓字。不肯通年幾。隔夜事不記。却說前朝事。欲語先涕零。曾見太上皇。東西幸兩京。年年十月來華清。當時身是小兒隊。隨從教坊常入內。夜半猶聞羯鼓聲。平明傳報源陽背。身遭虜。相西復東驅。為肉塞當兵鋒。萬人殺盡一身在。脫身幸得歸秦中。山川依然閭巷改。親識靜盡田園空。往來行乞官路上。飢時烈日寒時風。百年

人事信無窮。傳失存亡若轉蓬。請看今日新豐老。便是當年塞上翁。僧磬
詩逢老人。路逢一老翁。兩鬢白如雪。一里三行四。迴五迴歌。耿漳詩
路傍老人。老人獨坐倚官樹。欲語潸然淚便垂。陌上歸心無產業。城邊
戰骨有親知。餘生尚在艱難日。長路多逢輕薄兒。綠水青山雖似舊。如今
貧後復何為。代園中老人。傭賃難堪一老身。躊躇力役在青春。林園
手種唯吾事。桃李成陰歸別人。錢起詩。相崖老人號無名。先生男削髮。女
黃冠。自以雲泉獨樂命。予賦詩。古也憂婚嫁。若能樂性腸。一作逢場長男
樓月宇。少女袿霓裳。問爾殯霞處。春山芝桂傍。鶴前飛九轉。壺裏駐三光。
與我聞龍嶠。披雲靜藥堂。胡麻兼落棹。石髓隔北青。帝力言何有。椿年喜
漸長。竇然高象外。寧不做羲皇。崔顥詩。詠江畔老人愁。江南年少十八
九。乘舟欲渡青溪口。青溪口一作思遠江邊。一老翁。鬢眉皓白已乘桴。自
言家代仕梁陳。垂朱拖紫三十人。兩朝出將復入相。五世疊鼓乘朱輪。父
兄三葉皆尚主。子女四代為妃嬪。南山歸田接御苑。北宮甲第連紫宸。直
言榮華未休歇。不覺山崩海將竭。兵戈亂入建康城。烟火連燒未央闕。永
冠士子陷鋒刃。良將名臣盡埋沒。山川改易失市朝。衢路縱橫填白骨。老
人此時尚少年。脫身走得投海邊。羅兵歲餘未敢出。去鄉三載方來旋。達

萬忘却五城宅。草木不識青溪田。雖然得歸到鄉土。零丁貧賤長辛苦。採
樵屢入歷陽山。刈稻常一作嘗過新林浦。少年欲知老人歲。豈知今年一
百五。君今少壯我以衰。我昔少年君不曉。人生貴賤各有時。莫見羸老相
輕欺。感君相問為君說。說罷不覺令人悲。李端詩贈山老人 白首獨一
身。青山為四隣。雖行故鄉陌。不見故鄉人。方玄英詩贈江上老人 潭底
錦鱗多識釣。未拔香餌即先知。欲教魚目無分別。須學採藍漆釣絲。鮑光
詩越州局席看弄老人 不到山陰十二春。會中相見白頭新。此生不復
為年少。今日從他弄老人。元稹詩別孫村老人 年年漸覺老人稀。欲別
孫翁淚滿衣。未死不知何處去。此心終向此原歸。宋劉放彭城集次韻和
范內翰西圻老人詩 大行官車千乘強。翠華晚駕烟蒼蒼。龍髯墮地長
秋草。白雲悠悠乘帝鄉。先驅輶出寒門外。天宇寥廓初無傍。淒風疾雨洒
道路。萬靈奔走誰非常。漢家德澤徧四海。戎夷執紼虛遙遙。鵬飛喙息願
效死。以彼壤穴皆容光。詞臣宗功筆力壯。感激願遇思輸揚。周宣中興在
雲漢。武皇最著唯宣防。道老翁話舊事。面目黧黑情摧傷。賜繒如雲身獨
得。無永自幸方同裳。桑田變海不可測。慟哭白日悲風長。君不見封禪之
君皆不死。豈以衣冠之葬疑軒皇。劉公是先生集富谷老人賦用。自云本

京師兵士咸平中。沒番五十餘年矣。白髮衰翁雙涕零。曾隨諸將戰威
平。一指左社迷歸路。却問中華似隔生。思報漢恩身已朽。耻埋胡壤死無
名。今朝縱觀非佗意。得見官儀眼自明。李端叔姑溪集和東坡贈嶺上老
人。過眼崎嶇等劫灰。到頭榮悴本誰裁。須知此老心如鐵。看盡行人幾
往回。葛立方歸愚集贈施堯年老人。何須石室秘仙書。家有雲英尚藥
鑪。奕世大年緣底事。知君華胄出眉吾。從今九夏即期頤。小楷猶搜寶
兩詩。未得兩時曾過我。見君憂色上眉眉。謁吏攢蹄步後吳。茅簷枳落
水平鋪。大兒侍側霜飄領。猶著荆衣學弄烏。玉質雪山集寄峽石老人
白沙渡口見丰眉。福角搔身出好詩。額得楊幹秋水去。共看明月墮琉璃。
僧文珣詩老人。老人方外人。觀物又觀身。得性無今古。隨時亦故新。梅
客傲笑臘。柳意惜藏春。除是同懷者。知予此語真。永陽志蔡向詩贈幽谷
老人。始與西子芒鞋踏破兩淮塵。夢斷邯鄲迷未陳。嗟鶴啼猿猶有恨。巖
花潤草總相親。三生頓悟舊緣在。一笑還驚熱處新。龍鉢騰淞風月滿。與
君同是再來人。華趙二先生南征錄華岳詩呈古洲老人。分月清之韻。衡
霍熟名李杜才。纔過四十也心灰。俗塵趁少便披拂。詩料空多難剪裁。時
事謾提眉便皺。家懷未說眼先開。來簾便倩梅香掛。要放銀蟾入座來。

趙希蓬稱。今來古往幾人才。俯仰之間速使灰。藻鑒雖空自懷。銓衡長短莫能裁。浮生轉竹朱顏改。造物何時青眼開。富貴而今休著意。任渠提戶打門來。孫觀鴻慶居士集贈竹庵靜老人。爭名計身復逐利。目前道人一彈指。永斷三生緣。起滅水上浪。聚散風中烟。紛紛閱凋謝。東海令桑田。綽髮出古顏。秀眉覆兩顙。已超人天上。遂拍佛祖肩。茅齋立萬竹。蔭此碧玉椽。綠情雲擾擾。清幽露娟娟。我老無家食。餘地寄一廛。不辭供井礮。辛苦送華顛。眉山唐子西集雲南老人行。雲南老人老無力。藜杖支腰攏頭立。道逢蜀客話平生。時使仰天長太息。自言貫屬瀘水濱。瀘水遶微濱。猓夷夷人之性。類蛇豕。頻肆毒螫為瘡痍。十五年前多寇盜。一境騷然不相保。民禾收刈虜人聚。戎馬偷嘶汶江草。近來風俗都變移。卷却旌旗張酒旗。牛羊村落晚晴處。煙火樓臺日暮時。兩眼昏花兩鬢雪。喜見升平好時節。荏屋橫吹一笛風。野店携歸半瓶月。問翁致此何因緣。道是江陽太守賢。鼓琴絃歌不生事。十年靜治安吾邊。鄰國國僑去已久。誰信人間準前有。異日刊為德政碑。請問雲南隴頭叟。王炎雙溪集追念鑪谿老人。交遊大半上青雲。可使斯人竟陸沈。寒日亂山皆慘色。北風古木亦悲吟。傷情空拜丹青像。捉耳不聞金玉音。紙墨欲書耆舊傳。無言三嘆我

何心。陸游劍南續集若邪村老人 昔聞若邪村。意慕乃物外。瞠然阡陌間。來往幾貽背。無論百歲翁。甲子數至再。我來親見之。殊未輟耕耒。曩事一一宣。多聞雜譚海。回頭指丁壯。此是曾玄輩。有翁又過我。家有孫五代。指呼取斗酒。山米雜細碎。願我使之年。慙縮不能對。恭惟大父行。不覺投杖拜。養生惟一壽。此在吾術內。翁能信踐之。成就乃爾大。我今覺耄及。耳目已憤憤。長庚雖餘輝。敢與明月配。劉後村集大梁老人行 大梁宮中設理屋。大梁少年胡結束。少噫笑。老人悲。尚記二帝蒙塵時。烏虜國君之離道。百世無人按劍決大議。何當偏師轉頡利。一驅馱載送都市。宛陵群英集。劉得之題松下老人圖 建平王宰持此獻省南游。古松蒼髯枝屈鐵。失咲相驚在岩穴。老翁手持綠玉杖。獨立西風雙鬢雪。儵然野服山家客。平生我亦懷高風。彭澤歸來入圖畫。真有人間靖節翁。李伯時亦曾以此圖明題詩海繪章劉景文西山老人行 善治一家稱主人。奴耕婢饗雖司晨。置之得所生取備。何必百事皆躬親。為主汲汲盡無獲。道路雖刀長苦辛。君不見西山老人不出戶。索酒烹羊呼四隣。胡仲弓輩航漫游。菴山中逢老人詩 頭白不知今幾齡。兒時猶及見昇平。可憐野老無知識。却認錢塘是汴京。汪陽譜集范子長右石老人詩 秋右堂空愁翼垂。清

衆赴經兩魚塘。道人強欲安樓宇。閑却南邊一半奇。元王憚秋澗集樂聞
老人歌。歌總管如指諸。名雖昌。以小字行。公滿使舊詩筆也。今閑居鄧

下。自號樂聞老人。閑字名甚多。詢所以操抱。有不期同而相若者。十里水詩
此意不可棄也。因賦是歌以贈。庶幾酒酣耳熱後致聲而歌之。須足以見

故家餘習云。浮生擾擾駒過隙。守虜抱因真可惜。梅明光景一月間。開口
笑談能幾日。一聞未老方是閑。已老謀閑何所及。須信閑人是貴人。來轉

軒裳楷亡客。况復筋骸血氣衰。聖有嘉言戒貪得。樂閑老人達此理。自放
閒身樂山水。君侯年甫五十餘。解官歸卧南陽廬。風雲寤寐鞍馬事。錦鞵

脫落秋鷹孤。飛揚跋扈竟何用。此身健在閑為娛。大弔掛壁龍在匣。追逐
戈釣須臾魚。有時逸氣蟠不盡。猶擬去射南山菟。君不見。邵平來陵時。何

若瓜田心自如。後堂擅竹前園蔬。月下自理淵明鋤。客來大笑猶有事。茶
鑪度月糟丘鋪。古人住佳以樂老。此意殆與君相符。我今天地亦佚老。聞

君此懷良起予。何當杖屨與君約。江山佳處身岩居。半山吳起浮休仙。窪
尊一醉傾吾餘。風流肯落六客後。吟嘯當作三賢圖。醉中為持担僕續。君

其樂笑歌鳴鳴。題塗水老人趙君與詩卷。豪傑弄門自昔聞。僕來軒
冕等浮雲。蕭然獨老琴書樂。塗水看來只趙君。老鶴昂藏不受羈。九阜